



Comune di Quartu Sant'Elena  
Comunu de Quartu Sant'Aleni



# MONUMENTUS DE QUARTU SANT'ALENI

## Ex Cunventu de is Paras



Su Cunventu de Quartu assimbillat a is primus duus cunventus de s'òrdini fraigaus in Casteddu. Est acanta de sa Crèsia de Sant'Àgata, in bia Brigata Sassari e acanta de pratza Azuni. Unus cantu interventus de restàuru dd'ant mudau in su tempus, ma fait ancora a biri is piessinnus de antigòriu cosa sua.

Segundu sa traditzioni dd'iant pesau asuba de is ruinas de unu monastèriu de orìgini vitorina. S'edifitziu de Sant'Àgata e sa corti dd'iant donada a is paras in su 1631. Is traballus fiant sighius po bint'annus gràtzias a is donatzionis de is fidelis, chi funt allistaus in is Quinque Libri de sa Parròchia de Sant'Aleni intra de su 1633 e su 1654. Su cunventu abarrat a is paras finas a sa Lei Siccardi de su 1866, po su spodessimentu de is benis a s'òrdini. Su Comunu de Quartu ndi diventat meri: in su 1884 fiat unu spidali e apustis una scola elementari. In su 1926 su Comunu cuntzedit una parti de s'Ex Cunventu a Mussennori Virgilio Angioni, chi fait nasci s'òpera de su "Buon Pastore" po agiudai a is bisongiosus, mentris in bàsciu nci faint sa setzioni de is ex cumbatentis de sa Gherra manna. In su 1985 s'edifitziu torrat a su Comunu de Quartu.